

Англичан йылмым тунемза!



Южгунам школышто йоча-влак «Молан мылам англичан йылмыда күлеш, мый садак тракторист лиям», – манйт. Тыгай вашмут шуко жап чонем кожгатен. Ялыште улмем годым «Семёновский» госплемзаводын у тракторжын салонжым ончалынам. Тушто чылажат англичан йылме дене возалтын. Йоча-влакын йодышыштан вашмутым мумемлан чотак куаненам. Уроклаште у техникым, компьютерым кучылтыт. Тудын дене пашам ыштен мошташлан англичан йылмым сайын тунемман.

Йот йылмым тунеммаш вийым да жапым налеш. Сан-дене таче мом пуымым эрлалан ида кодо. Мут поянлык-дам пойдарыза. Тунам те ушанрак да виянрак лийыда.

Н.В.ПЕТУХОВА,
туныктышо.

2-шо №-ан Шернур школ.

Мастар улына!

Лицейшытына «Мый мастар улам» выставке (снимкыште) почылтын. Тышке йоча-влакын шке кид дене ыштыме түрлө арверыштым чумырымо. Чылажат моткоч мотор. Нунын коклаште мыйынат пашам шога. Кенеж жапыште мый ал түсан розам түрленам. Изги гынат, чонем куандара.

Юлия АНИСИМОВА.
Морко, Коркатово.



Илышым волгалтарыше вий

Школна йоча-влакым куанен вашлий-ын. Игечат Шинчымаш кечым сора-старен. Тений 27 тунемше (снимкыште) школ омсалон-демым икымше гана тошкалын. Нуным да моло тунемше ден тунык-тышым ятыр уна саламлен. Тыланымашышт дене пырля школлан да икымше классыш толшо йоча-влак-клан шуко пӧлекым пуэныт. Ме у тунемме ийыште сайын тунемаш мутым пуэна, вет шинчымаш – ончы-кылык илышнам волгалтарыше вий.

Кристина ЭРГУБАЙКИНА.
Волжский,
Шарача.



«Ямде лийын» подпис-чикше-влак коклаш-те лотерей модышым эртараш окса дене пол-шымышлан «Яндар

памаш» сыл-нымут фон-дым вуйлаты-ше писатель Василий КРАСНОВЛАН кугу таум ойлена!



ДОСТУПНАЯ СРЕДА

кугыжаныш
программе

Ончыкыжым ава капиталым ешысе инвалид йочам эмлаш кучыл-таш лиеш. Тыгай законопроектым Кугыжаныш Думылан Россий Федерацийын правительствеж темлен. Ты окса гыч мыняр тенгем молан пытарымым инвалид икшыве деке кошт-шо социальный пашаен тергаш тўналеш.

Хабаровскышто 550 йоча эмганен кушышлан шотлалтеш. Тышеч 380 икшыве школлаште тунемеш. Нунын кокла гыч коктынжо школыш инвалид коляске дене коштыт. 170 ўдыр-рвезым мӧнгыштак туныктат. Нуно южо предме-тым «Телешкол» проект дене тунемыт, молыжым туныктышо-влак мӧнгышкышт миен туныктат. «Доступная среда» про-граммым Хабаровск 2009 ий гыч илышыш шындараш тўналме.